

## 五个字古代唯美诗

1.  
江碧鸟逾白，山青花欲燃。今春看又过，何日是归年？——杜甫《绝句二首·其二》
2.  
掬水月在手，弄花香满衣。若作佛法会，永劝堕泥犁。——释慧远《偈颂一百零二首》
3.  
绿蚁新醅酒，红泥小火炉。晚来天欲雪，能饮一杯无？——白居易《问刘十九》
4.  
危楼高百尺，手可摘星辰。不敢高声语，恐惊天上人。——李白《夜宿山寺》
5.  
松下问童子，言师采药去。只在此山中，云深不知处。——贾岛《寻隐者不遇/孙革访羊尊师诗》
6.  
林暗草惊风，将军夜引弓。平明寻白羽，没在石棱中。——卢纶《和张仆射塞下曲·其二》
7.  
恨不抗日死，留作今日羞。国破尚如此，我何惜此头。——吉鸿昌《就义诗》

8.  
十年磨一剑，霜刃未曾试。今日把示君，谁有不平事？——贾岛《剑客/述剑》
9.  
文案日成堆，愁眉拽不开。偷归瓮间卧，逢个楚狂来。——戴叔伦《答崔载华》
10.  
移舟泊烟渚，日暮客愁新。野旷天低树，江清月近人。——孟浩然《宿建德江》
11.  
向晚意不适，驱车登古原。夕阳无限好，只是近黄昏。——李商隐《乐游原/登乐游原》
12.  
两句三年得，一吟双泪流。知音如不赏，归卧故山秋。——贾岛《题诗后》
13.  
百金买骏马，千金买美人；万金买高爵，何处买青春？——屈复《偶然作》
14.  
可叹停机德，堪怜咏絮才。玉带林中挂，金簪雪里埋。——曹雪芹《金陵十二钗正册——钗、黛》
15.  
打起黄莺儿，莫教枝上啼。啼时惊妾梦，不得到辽西。——金昌绪《春怨/伊州歌》
16.  
远看山有色，近听水无声。春去花还在，人来鸟不惊。——王维《画》

17.  
天得一以清，地得一以宁。君王得人处，矛头相共举。——释师观《偈颂七十六首》

18.  
岭外音书断，经冬复历春。近乡情更怯，不敢问来人。——宋之问《渡汉江》

19.  
人闲桂花落，夜静春山空。月出惊山鸟，时鸣春涧中。——王维《鸟鸣涧》

20.  
大漠沙如雪，燕山月似钩。何当金络脑，快走踏清秋。——李贺《马诗二十三首·其五》

21.  
天得一以清，地得一以宁。金刚神合掌，归依佛法僧。——释如珙《偈颂三十六首》

22.  
众鸟高飞尽，孤云独去闲。相看两不厌，只有敬亭山。——李白《独坐敬亭山》

23.  
小娃撑小艇，偷采白莲回。不解藏踪迹，浮萍一道开。——白居易《池上》

24.  
分野中峰变，阴晴众壑殊。欲投人处宿，隔浦问樵夫。——《杂曲歌辞。陆州歌第一》

25.  
日暮苍山远，天寒白屋贫。柴门闻犬吠，风雪夜归人。——刘长卿《逢

雪宿芙蓉山主人》

26.

空手把锄头，步行骑水牛。凭兹陪睿算，垂拱亿千秋。——释坚壁《偈颂二十一首》

27.

解落三秋叶，能开二月花。过江千尺浪，入竹万竿斜。——李峤《风》

28.

昨日入城市，归来泪满巾。遍身罗绮者，不是养蚕人。——张俞《蚕妇》

29.

砍头不要紧，只要主义真。杀了夏明翰，还有后来人。——夏明翰《就义诗》

30.

子系中山狼，得志便猖狂。金闺花柳质，一载赴黄粱。——曹雪芹《正册判词》

31.

青荷盖绿水，芙蓉披红鲜。下有并根藕，上有并头莲。——佚名《青阳渡》

32.

床前明月光，疑是地上霜。举头望明月，低头思故乡。——李白《静夜思》

33.

三日入厨下，洗手作羹汤。未谙姑食性，先遣小姑尝。——王建《新嫁娘词》

34.

君自故乡来，应知故乡事。来日绮窗前，寒梅著花未？——王维《杂诗三首·其二》

35.

入春才七日，离家已二年。人归落雁后，思发在花前。——薛道衡《人日思归》

36.

山中何所有，岭上多白云。只可自怡悦，不堪持赠君。——陶弘景《诏问山中何所有赋诗以答》

37.

终南阴岭秀，积雪浮云端。林表明霁色，城中增暮寒。——祖咏《终南望余雪》

38.

泠泠七弦上，静听松风寒。古调虽自爱，今人多不弹。——刘长卿《听弹琴》

39.

月黑见渔灯，孤光一点萤。微微风簇浪，散作满河星。——查慎行《舟夜书所见》

40.

白日依山尽，黄河入海流。欲穷千里目，更上一层楼。——王之涣《登鹳雀楼》

41.

美人卷珠帘，深坐颦蛾眉。但见泪痕湿，不知心恨谁。——李白《怨情》

42.

牧童骑黄牛，歌声振林樾。意欲捕鸣蝉，忽然闭口立。——袁枚《所见》

43.

势败休云贵，家亡莫论亲。偶因济村妇，巧得遇恩人。——曹雪芹《金陵十二钗正册——巧姐》

44.

嫁得瞿塘贾，朝朝误妾期。早知潮有信，嫁与弄潮儿。——李益《江南曲》

45.

一二三四五，五四三二一。无量妙义门，皆从此经出。——释师观《偈颂七十六首》

46.

月黑雁飞高，单于夜遁逃。欲将轻骑逐，大雪满弓刀。——卢纶《和张仆射塞下曲·其三》

47.

一去二三里，烟村四五家。亭台六七座，八九十枝花。——邵雍《山村咏怀》

48.

空山不见人，但闻人语响。返景入深林，复照青苔上。——王维《鹿柴》

49.

垂緜饮清露，流响出疏桐。居高声自远，非是藉秋风。——虞世南《蝉》

50.

山中相送罢，日暮掩柴扉。春草明年绿，王孙归不归？——王维《送别/山中送别/送友》

51.

菩提本非树，明镜亦非台；本来无一物，何处染尘埃？——惠能《偈一

》

52.  
生当作人杰，死亦为鬼雄。至今思项羽，不肯过江东。——李清照《夏日绝句》

53.  
疾风知劲草，板荡识诚臣。勇夫安识义，智者必怀仁。——李世民《赐萧瑀》

54.  
稚子牵衣问，归来何太迟。共谁争岁月，赢得鬓边丝。——杜牧《归家（一作赵嘏诗）》

55.  
来说是非者，便是是非人。诚哉是言也，弄物不知名。——释师观《颂古三十三首》

56.  
红豆生南国，春来发几枝。愿君多采撷，此物最相思。——王维《相思》

57.  
欲洁何曾洁？云空未必空。可怜金玉质，终陷淖泥中。——曹雪芹《金陵十二钗正册——妙玉》

58.  
功盖三分国，名成八阵图。江流石不转，遗恨失吞吴。——杜甫《八阵图》

59.  
玉阶生白露，夜久侵罗袜。却下水晶帘，玲珑望秋月。——李白《玉阶怨》

60.

木末芙蓉花，山中发红萼。涧户寂无人，纷纷开且落。——王维《辛夷坞》

61.

苍苍竹林寺，杳杳钟声晚。荷笠带斜阳，青山独归远。——刘长卿《送灵澈上人》

62.

已讶衾枕冷，复见窗户明。夜深知雪重，时闻折竹声。——白居易《夜雪》

本文链接：<https://duanjuziku.com/duanjuzi/4avi7lonjp.html>